

2 Tesalonicenses

*Pablo ïgu mera majarã mera gojabeoñumi
daja Jesu yarã Tesalónica majarãre*

¹ Yũhũ Pablo, Silvano mera, Timoteo mera ipũre mũare gojabeogu iiaa. Mũa Tesalónica majarã mari Pagũ yarã ãhraa. Mari Opũ Jesucristo yarã ãhraa mũa. ² Eropigu mari Pagũ Goãmũ, Jesucristo mari Opũ mera mũare õadoreo. ïgu itamuri mera õaro árĩque mũa.

*I yebaguere Jesucristo dujarigu dipuwaja
moagũcumĩ, arĩ gojañumi Pablo*

³ Mũa Jesucristore “Diaye ta iigu ãhrimi,” arĩ umupeorã umupeonemorã árĩ waĩcũabũ. Eropirã mũa gajirãre mahi umupeorã turaro mahi waĩcũabũ. Mũa eropa árĩcũ pee Goãmũre õaro mera serẽro gahmea gũare. “Mũhũ erã mera õaro iiaa,” arĩro gahmea Goãmũre. ⁴ Mũa Jesure umupeora waja gajirã mũare erã ñero iiquerecũ mũa ñero tariquererã Jesure umupeonigui waĩcũabũ. ïgũre umupeorã duhubirã waĩcũabũ. Mũa eropa iicũ pee mucubiriri mera werea gũa gajirãre Goãmũ yarãre. ⁵ Eropirã mũa Jesure umupeora waja gajirã mera ñero tariquererã Goãmũre umupeoniguicã waĩcũabũ. Goãmũrũ diaye iigu ãhrimi. Eropigu ïgu mũa ïgũre eropa umupeocũ ïha ïgu Opũ árĩroguere wadoregũcumĩ mũare.

⁶ Īḡu Goām̃u diaye iḡu árīḡu gajirāp̃ure m̃uare ñero iinirāp̃ure erāp̃ure ñero taricũ iḡucumi Goām̃u. ⁷ Eropiḡu mari ñero tarinirāre marire soocũ iḡucumi mari Op̃u Jesu dujarig̃u. Īḡu dujarig̃u anyua turarā mera peame ũjuro iro dopa dehyoag̃u arig̃ucumi ũmarogue. ⁸ Eropa arig̃u Goām̃ure masibirāre erā ya dipuwaja moag̃ucumi. Mari Op̃u Jesucristo iḡu ōari buherire tarinuganirāre dipuwaja moag̃ucumi erāre. ⁹ Eropirā erā erā ya dipuwaja ded-ererācoma. Peamegue ñero tariniguirācoma. Eropirā erā mari Op̃u Jesu iḡu dorerogue iḡu ōari árīroque ne wamasisome. Eropa ta waroca irinure Jesucristo iḡu dujaricũ. ¹⁰ Irinu ta iḡu aricũ iḡu yarā ihamariarā “Diaye ta turag̃u, ōag̃u āhrimi,” arī wereniguirācoma. Eropirā iḡure ōaro peenirā iḡure iarā umupeorācoma ōaro iḡure. M̃uap̃u Jesu yare ḡua buherare ōaro peeab̃u. Eropirā m̃ua sã iḡu mera árīrāca.

¹¹ Eropirā Goām̃ure serēniguica ḡua m̃ua ya árīburire. Ōpa arī Goām̃ure serēbasaa iḡure m̃uare itamudorerā. “Erā m̃u beyenirā m̃u árīro dopa ta erā árīcũ iique,” arī serēbasaa. “Goām̃u, m̃u doreri mera erā ōaro iidiarire erā iicũ itamuque. Erā m̃ure umupeorā m̃u gamerire erā iicũ iique,” ḡua arī serēbasaa Goām̃ure. ¹² M̃ua eropa Goām̃u gamerire iicũ iha gajirā sã umupeorācoma mari Op̃u Jesucristore. Eropiḡu Jesucristop̃u m̃uare ōaro iag̃ucumi. Eropiḡu Goām̃u marire mahiḡu ḡua arī serēbasaro dopa ta iḡucumi mari Op̃u Jesucristo mera.

2

Ñeri mera masare weresãgũ dehyoagũcumi, arĩ gojañumi Pablo

¹ Dohpague mari Opũ Jesucristo i yeba-guere ïgũ dujariborore werenemodiaca yũhũ mũare. Ñgũre mari gamenere bocatĩriburire werediaca. Eropigũ õpa arĩ bũrigã werea mũare, gũa acawererãre. ² Gajirã mũare õpa arĩbocoma: “Mari Opũ ïgũ dujariburinũ, pehrerinũ árĩrogue iiaa,” arĩbocoma mũare. Erã eroparĩcũ peerã pee ucabiricãque. Eropirã peerã peewisibiricãque. “Goãmũ yũre eropa ta arĩdi árĩmi,” arĩbocumi mũare gajigũ. Gajigũ sã mũare buhegũ eropa ta arĩbocumi. Gajigũ sã eropa ta arĩ gojabeobocumi, “Yũhũ Pablo ta ãhraa,” arĩ gũya gojabeogũ. Irire mũare weregũre masibea yũhũ. ³ Eropirã gajirã mũare gũyacũ ne peebiricãque. Irinũ Jesucristo dujariburinũ árĩboro core õpa waroca. Bajarã masa Goãmũre cóãrãcoma. Eropigũ ñeri mera masare weresãgũ dehyoamũhtagũcumi. Ñgũ dederebu árĩgũ ãhrimi. ⁴ Ñgũ Goãmũre umupe-orire, goãmarã sãre umupeorire gamebigũcumi. Ñgũ dihtare umupeodoregũ “Árĩpehreri weca opũ ãhraa yũhũ,” arĩgũcumi ïgũ. Eropigũ ïgũ Goãmũ ya wihi doagũ, “Yũhũ ta Goãmũ ãhraa,” arĩgũcumi ïgũ masare ïgũre umupeodoregũ.

⁵ Yũhũ mũa mera árĩrasubure irire ta werebũ. ¿Irire guñari mũa? ⁶ Dohpaguere ïgũre ñeri mera masare weresãgũre árĩdorebeami dohpa. Ñgũre árĩdorebigũre masica mũa. Queorinũ árĩcũ ïgũ ñeri mera masare

weresāgũ dehyoagũcumi. ⁷ Dohpaguere ĩaro mariro ĩgũ ñerire mohmenũgatuhajacumi. ĩgũ ñeri iidiarire árĩpehrerire iimasibeami dohpa. ĩgũre árĩdorebigũ ĩgũ wara pũhrũ árĩpehrerire ñerire iigũ ĩgũ ñeri mera masare weresāgũ dehyoagũcumi. ⁸ Eropiira pũhrũ mari Opũ Jesucristo ĩgũ wereniguiri mera ĩgũre wejẽcāgũcumi. Eropigũ Jesupũ dujarigũ ĩgũ dehyoari mera ĩgũre wejẽ dedeocāgũcumi ĩgũre. ⁹ ĩgũ ñeri mera masare weresāgũpũ watĩ dorero mera arigũ baja deyoro moaro dopa árĩrere ii gũyagũcumi masare. ¹⁰ ĩgũ eropa árĩpehrerire ii gũyacũ peamegue wamorãpũ ĩgũre peerãcoma. Erã diaye árĩrere gamebirã āhrima. Erã eropa gamebircũ Goãmũ erãre dederemorãre tausome. ¹¹ Eropigũ diaye árĩrere gamebirãre Goãmũ erãre gũyaripũre peecũ iigũcumi. ¹² Goãmũ árĩpehreri diaye árĩrere peediabirinirãre, ñerire iidianirãre erã ya dipuwaja moagũcumi.

Goãmũ mũarũre beyeñumi ĩgũ taumorãre, arĩ gojañumi Pablo

¹³ Acawererã, mari Opũ mahirã, matague ta Goãmũ mũarũre dederebonirãre ĩgũ taumorãre beyerũ mũare. Mũa Espĩritu Santo itamuri mera ñeri mariro mũa árĩmorã sãre beyerũ. Mũa ĩgũ yare peemorã árĩmorãre beyerũ. Eropirã ĩgũ mũare beyerare guñarã Goãmũre serẽrã “Ōhaa,” arĩniguicãro gahmea gũare. ¹⁴ Eropigũ iri õari buherire gũa buhera mera Goãmũ mũare

ĩḡu yarã áricũ iimi mari Opũ Jesucristo ĩḡu ðari oparire mũa sã opaboro dopa.

¹⁵ Eropirã ðaro guñaturarã árique mũa. Eropirã gũa wereniguiiri mera gũa gojabeo-rapũri mera iri buherire ðaro guñaque mũa. Eropirã iri buherire tarinagabiricãque. ¹⁶ Mari Opũ Jesucristo ĩḡu basi Goãmũ mari Pagũ mera marire mahigũ, umuri nũcũ marire mucubiricũ iimi. Marire mahigũ peamegue wabonirãre taugũcumi marire. Eropirã Goãmũ ĩḡu tauborore ðaro masi mucubiria mari. ¹⁷ Eropigũ Jesucristo mari Pagũ mera mũare sĩporã turaniguicũ iiporo. Eropigũ mũa ĩḡu yare duhubiricũ iiporo. Áripehreri ðari iirire ðari wereniguiiri sãre mũare iicũ iiporo.

3

Gũa ya áriburire Goãmũre serẽbasaque, arĩ gojañumi Pablo

¹ Acawererã, dohpague gũa ya áriburire Goãmũre serẽbasaque. Mari Opũ buheri cãhmotaro mariro bajarã masare buheburire serẽbasaque. Eropirã ĩḡu buherire mũa ðaro gamediro dopa ta gajirã bajarãpũ iri buherire umupeori mera erã gameboro dopa serẽbasaque mũa Goãmũre. ² Gajirã Jesure umupeobeama. Eropirã erã Jesure umupeobirã ñerã masa gũare erã ñero iidiarire Goãmũre serẽbasaque gũare ĩḡu itamuboro dopa. ³ Mari Opũ ðagũ ĩḡu werediro dopa ta iimurimi ĩḡu. Eropigũ mũare ĩḡure umupeocũ iigũcumi. Eropigũ mũa ñero iibiriburire ĩḡu mũare cãhmotagũcumi.

⁴ Īgũ muare ĭgũ eropa cãhmotarare masia gũa. Eropirã muare gũa dorediro dopa ta iiaa mũa. Eropirã irire iirãca daja mũraro ta. Iri sãre masia gũa. ⁵ Eropigũ mari Opũ Goãmũ ĭgũ muare mahirire muare masicũ ĩporo. Eropigũ Cristo ñero taririsubu ĭgũ sĩporã turadiro dopa ta mũa sãre sĩporã turaniguicũ ĩporo mari Opũ.

Marire turaro mohmero gahmea, arĩ gojañumi Pablo

⁶ Jesucristo mari Opũ ĭgũ dorero mera õpa dorea muare: Mũa Jesu yarã mera majarã mohmediabirãre gũa dorerire iibirãre wapicũbircãro gahmea. Eropa ĩacãque erãre. ⁷ Sohõ árĩrasubu mũa mera gũa árĩrasubure gũa turaro mohmecũ ĩabũ mũa. Eropirã gũa iidiro dopa ta mũa sãre mohmero gahmea. Mũa basi irire õaro masia. ⁸ Eropirã mũa barire waja mariro ne babirabũ. Eropirã umũri nũcũ, ñamiri sãre bũrigã mohmemũrabũ gũa muare barire serẽri arĩrã. ⁹ Gũa muare buhera waja muare wajayedoreboaya gũa. Wajayedorebirã gũa basi bũrigã mohmeabũ mũa gũare ĩhacũburire. ¹⁰ Mũa mera árĩrasubu õpa arĩ buheabũ muare: “Mohmebigũ babiricãporo,” arĩ buhemũrabũ gũa muare. ¹¹ Yujurãyeri mũa mera majarã ne mohmebirañorã. Eropirã gajirãre serẽrã garibotariañorã erã. ¹² Eropirã mohmediabirãre mari Opũ Jesucristo dorero mera õpa arãa: “Erã yare ĩha erã basi mohmeporo erã baburire,” arãa yũhũ.

¹³ Gũa acawererã, muapũ õarire iiniguirã gariborebircãque. ¹⁴ Eropirã ero majarã yu-

jugu ire gua gojabeo dorerare tarinugacã ìha masi ìgure wapicubiricãque. Ìgu ñero iira mera ìgu gahyasũuro pepiboro dopa ìgure wapicubiricãque. ¹⁵ Ìgure wapicubiriquererã ìgure ìhaturibiricãro gahmea. Ìgu mua acaweregu Jesu yagu ta ãhrimi. Eropirã ìgu tarinugagure òaro wereque ìgure ìgu dipaturi irire iibirimaja òaro dopa.

Pablo gojatuñumi

¹⁶ Mari Opu marire òaro árĩcũ iigu mera umari nucu òaro árĩque mua. Eropigu “Mari Opu mua árĩpehrerã mera árĩporo,” arĩgu muare òadorea.

¹⁷ Dohpaguere yu basi ta gojatugu iiaa. Eropigu muare òadorea. Árĩpehreri pũrire yu gojabeori pũrire òpa ta arĩ gojatuhaa yuhu. Eropa gojatura puhru yu basi iripũre arĩ gojagu árĩcũ masirãca mua. ¹⁸ Mari Opu Jesu-cristo ìgu mahiri mera burigã òadorea muare árĩpehrerãre. Eropa ta árĩniguicãporo. Iripẽta ãhraa.

Goãmu Yare Wereripu
Desano: Goãmu Yare Wereripu New Testament
copyright © 2011 Wycliffe Bible Translators, Inc.

Language: Desano

Contributor: Wycliffe Bible Translators, Inc.

All rights reserved.

2020-11-17

PDF generated using Haiola and XeLaTeX on 21 Feb 2024 from source
files dated 29 Jan 2022
17771afc-c309-57fd-9ff3-2d5a0cd59ff1